



INFORMACIJA
Informacija o sportu na području općine Maglaj,
sa pokazateljima o sportskim rezultatima,
stanju sporta i sportskih objekata
za 2021.godinu

Obradivač:

Služba za boračko-invalidsku i socijalnu zaštitu,
društvene djelatnosti i opću upravu

novembar, 2021. godine

1. UVOD

Na osnovu Programa rada Općinskog vijeća Maglaj za 2021.godinu pripremljena je Informacija o sportu na području općine Maglaj za 2021.godinu.

Obzirom da se u periodu 2021. godine nisu desile značajnije promjene kod postojanja i djelovanja sportskih klubova na području općine Maglaj, Služba za boračko-invalidsku i socijalnu zaštitu, opću upravu i društvene djelatnosti je u ovoj Informaciji dostavila samo značajnije promjene u odnosu na 2020.godinu, a kako bi se mogla utvrditi ta promjena, kao i to da vijećnici u novom sazivu dobiju informaciju o stanju sporta i sportskih aktivnosti, u prilogu smo dostavili i tekst Informacije o sportu iz 2020.godine.

2. ORGANIZACIJA I STRUKTURA SPORTA

Zakon o sportu ZE - DO kantona ("Sl.novine ZE - DO kantona", broj: 11/02, 1/04, 9/11, 6/17) određuje da se sportske organizacije mogu osnovati kao udruženja građana, privredna društva i ustanove.

Za osnivanje i način organizovanja sportskih organizacija pored Zakona o sportu važe i odgovarajuće odredbe Zakona o udruženjima i fondacijama, Zakon o privrednim društvima ili Zakona o ustanovama, što zavisi od konkretnog oblika organizovanja.

Organizovanje sportskih takmičenja i sportskih priredbi regulisana su Zakonom o sportu ZE - DO kantona.

Oblast fizičke kulture na području općine Maglaj organizovana je na osnovu zakona iz oblasti obrazovanja, Zakona o udruženjima i fondacijama i Zakona o sportu ZE – DO kantona.

Svi sportski klubovi, koji djeluju na području naše općine organizovani su kao udruženja građana koja se kao pravna lica registruju pri Ministarstvu za pravosuđe i upravu ZE – DO kantona.

Na području općine Maglaj ima registrovanih 12 sportskih klubova , dva sportska kluba za lica sa invaliditetom sa Savezom za sport invalidnih lica i Društvo pedagoga fizičke kulture.

Pored njih djeluju još i Klub ekstremnih sportova „Jastreb“ i PSD „Smajlovac“.

Prema pokazateljima kojima raspolaže Služba za boračko-invalidsku i socijalnu zaštitu, opću upravu i društvene djelatnosti, najveći broj sportskih klubova okuplja veliki broj mladih, dok Društvo pedagoga fizičke kulture Maglaj svoje aktivnostima realizuje kroz organizovanje učeničkih takmičenja u različitim sportskim disciplinama.

U cilju organizacije boljih uslova i daljeg rada omladinskih sportskih selekcija, u Budžetu Općine Maglaj za 2021.godine planirana su sredstva u iznosu od 180.000 KM za podršku i razvoj i sufinansiranje omladinskog sporta i 10.000 KM za podršku i razvoj i sufinansiranje invalidskog sporta.

Planirana sredstva su u skladu sa obavezom Općine koja su propisana Zakonom o izmjenama i dopunama Zakona o sportu Zeničko-dobojskog kantona, po kojima općine u svojim budžetima utvrđuju iznose za sufinansiranje sportskih programa, a realizacija finansiranja tih sportskih aktivnosti zavisi o procentu izvršenja općinskog budžeta.

KRATKI PREGLED O KLUBOVIMA NA PODRUČJU OPĆINE MAGLAJ

Već smo napomenuli da na području općine Maglaj djeluje 12 sportskih aktivnih klubova, 2 invalidska aktivna kluba i uz savez za sport i rekreaciju invalidnih lica, Društvo pedagoga fizičke kulture i klub ekstremnih sportova „Jastreb“ i PSD Smajlovac“.

Promjene koje su nastupile u odnosu na 2020.godinu su u tome što se NK „Vis Simm Bau“ Kosova promjenio svoj naziv u Bosanski fudbalski klub „Simm Bau“ Kosova i trenutni nivo takmičenja je prva liga Federacije BiH.

Kao problematiku u radu navode :

1. Nedovoljan broj sportskih objekata na području naše općine
2. Nesprovođenje zakona o sportu („službene novine Ze-Do kantona od 12.5.2017. pročišćeni tekst ZAKON O SPORTU, gdje se jasno definiše uloga školskog sporta, vrijednost školskog sporta, način finansiranja i dr.
3. Nedovoljna saradnja lokalne zajednice sa strukom u oblasti sporta (smatramo da je DPFK Maglaj u oblasti sporta najrelevantnija adresa da se daju savjeti, mišljenje i preporuke u sveri sporta jer za to smo obučeni skolovani i na kraju krajeva smo mi ti koji prvi počinjemo da radimo sa našim sportistima tj. djecom koja se kasnije selektiraju po sportskim klubovima)
4. Nepostojanje Sportskog saveza. Jedina smo općina koja nema Sportski savez
5. Nedovoljna ulaganje u sportske poligone i igrališta na cjelom prostoru općine.

Prijedlog mjera za poboljšanje stanja sporta na teritoriji općine Maglaj :

1. Maksimalno uključiti sve strukture vlasti kako bi se izgradila sportska dvorana u sklopu srednjoškolskog centra i rješio problem nastave TiZO-a i samim time poboljšali uslovi rada svim dvoranskim sportovima a nezaboravljajući rekreaciju koja je također zakonski uvrštena u gore navedeni ZAKON O SPORTU.
2. Uključiti struku u rad općine po pitanju sporta, sprovoditi Zakone o sportu.
3. Nadzor sportskih udruženja, praćenje i vrednovanje
4. Osnivanje Sportskog saveza na nivou općine,
5. Donijeti zakon/pravilnik regulacionim planom općine o izgradnji, da svaki novoizgrađeni objekat/zgrada mora imati dječije igralište/poligon

Napomenuli su da je vrijednost/uloga sporta, bavljenjem sportom, poruke koje sport može prenijeti, promociju koju može sport uraditi, su samo dio onoga sta nam sport u globali nudi. Netreba navoditi naše uspješne sportiste po cijelom svijetu koji promovišu našu općinu i državu, sport, bavljenje sportom treba biti dostupno svim građanima, prije svega zbog samog zdravlja i načina modernog života. Svako ulaganje u sport se sigurno višestruko vraća.

3. SPORTSKA REKREACIJA

Već je dobro poznato da je rekreacija segment fizičke kulture veoma važan u životu mladih i odraslih stanovnika.

Ljubitelji rekreacije se sami organizuju, odlaze na kraće pješačke ture i izlete, bave se sportskim igrama, voze bicikl i sl., ali bez stručnog nadzora.

Ono što je pozitivno u ovoj oblasti je činjenica da veliki broj rekreativaca koristi sportske poligone za rekreaciju, a u ljetnom periodu u ulici „Srebreničkih žrtava rata“ vidan je broj rekreativaca, a ono što raduje je informacija na potezu Maglaj – Žepče uz obalu rijeke Bosne UG „Fojničani“ u koordinaciji sa OSCE-om planiraju napraviti biciklističku stazu.

Također je pohvalno i to da se veliki broj sportskih udruženja aktivno uključuje u obilježavanje značajnih datuma na području općine Maglaj, kroz organizaciju turnira, a već tradicionalan je i pohod „Stazama branilaca“ kojeg organizuje PSD „Smajlovac“ koji je ove godine okupio preko 380 učesnika među kojima su pored sportista iz Maglaja učestvovalo i 17 planinarskih društava iz BiH.

4. STANJE SPORTSKIH OBJEKATA

Na području naše općine evidentirana su tri sportska objekta i to:

-Sportska dvorana Maglaj,

-Mala dvorana/fiskulturna sala koja pripada "Prvoj osnovnoj školi" Maglaj,

-Sportska dvorana uz OŠ "Novi Šeher" u Novom Šeheru, općina Maglaj.

Općina Maglaj, u skladu sa svojim mogućnostima, kontinuirano prati rad, stanje, podržava rekonstrukcije i obnove sportskih objekata na području naše općine. Shodno tome, svaki mjesec se izdvaja određen iznos za održavanje i grijanje Sportske dvorane Maglaj koja je u okviru JU Dom kulture "Edhem Mulabdić" Maglaj.

Prvi ogroman problem sa kojim se susrećemo i kao lokalna zajednica i same škole općenito, jeste nedostatak sportskog objekta u krugu srednjih škola JU Gimnazija "Edhem Mulabdić" Maglaj i JU Mješovita srednja škola. Trenutni nastavni proces Tjelesnog odgoja i obrazovanja odvija se u Sportskoj dvorani Maglaj, što iziskuje pješaćenje učenika na relaciji škola-Sportska dvorana Maglaj.

Generalni problem s kojim se susreće nastavno osoblje, menadžment škola jeste problem utopljavanja sportskih objekata. U Sportskoj dvorani Maglaj još uvijek se koriste stara postrojenja za loženje na čvrsto gorivo, a finansijski obezbijediti to sve također je dodatni problem. Također, problem ventilacije odnosno rashlađivanja u ljetnim mjesecima dodatno otežava odvijanje svih aktivnosti i trenažni proces.

Problem rasvjete. Evidentan problem u sportskim objektima, čija realizacija, ugradnja u ogromnoj mjeri bi doprinijela kvalitetnijem izvođenju nastave i trenažnog procesa.

Naredni problem, koji stalno iznosi menadžment škola, na našim redovnim sastancima jeste i konstantna sanacija mokrih čvorova, ulaganja u potrošne materijale, stalnim korištenjem smanjuje se i vrijednost inventara, te se stalno moraju izdvajati sredstva za dokupljivanje istrošenog.

Sportske opreme nikada dovoljno. Konkretno Sportska dvorana Maglaj čak ni ne posjeduje vlastitu opremu, već je svaki sportski klub, svaka škola dužna osigurati svoju opremu koju će oni koristiti.

Spremišta za odlaganje opreme, dokumentacije svakog sportskog kluba ogroman su nedostatak koji bi bio veoma koristan za naše dvorane i salu. Trenutno se koriste pretežno dotrajali ormari i plakari koji ne mogu uveliko služiti svrsi.

Naprijed navedeno, podrazumijeva kapitalna ulaganja koja su neophodna u sportskim dvoranama. Istina, neki od naših sportskih klubova, aplicirajući na razne programe i javne pozive osigurali su određena sredstva i uložili u rasvjetu, u sjedišta na tribinama, kupovinom opreme i sprava, ali u nedovoljnoj mjeri.

Generalan stav jeste da su uslovi u sportskim objektima u statusu-"upotrebljivi", uz ogromnu potrebu za dodatnim rekonstrukcijama i ulaganjima.

Tu je i tzv „Ribarska staza“ koja se uz pomoć SRD „Bosna“ održava i uređuje koristi i za rekreativce.

Svi sportski tereni koji se koriste su skromnim dijelom prilagođeni svojoj namjeni uz stalno prisutnu problematiku nedostatka sportskih rekvizita, problem održavanja i saniranja nastalih šteta što se svakako uz pomoć sportskih klubova i rekreativaca kao i angažovanja nadležnih općinskih i kantonalnih institucija može dobrom organizacijom u narednim periodima postepeno rješavati.

5. FINANSIRANJE SPORTA

Izvori finansiranja takmičarskog sporta su: Budžet ZE-DO kantona, Budžet Općine, sponzorstva, donacije, marketing, pomoć roditelja sportista, članarina.

Zakona o sportu ZE - DO kantona definisano je ostvarivanje javnog interesa u sportu, a Kanton i Općina u svojim budžetima utvrđuju finansijska sredstva.

Izdaci za finansiranje sporta u 2020. godini iz vanbudžetskih sredstava su u iznosu od 140.000,00 KM a za invalidski sport 10.000 KM.

ZAKLJUČAK :

Na osnovu naprijed izloženog, može se konstatovati da su najizraženiji problemi sa kojima se susreću sportski klubovi i ostala sportska udruženja sa područja općine Maglaj, slijedeći:

- Nedostatak stručnih kadrova u oblasti sporta;
- Prihodi koje ostvaruju sportski klubovi, prihodi od članarine, ulaznica, marketinga, sponzorstva su nedovoljni za funkcionisanje klubova što pojačava tendenciju oslanjanja na sredstva iz budžeta Općine i Kantona;
- Loše stanje u kojem se nalazi većina sportskih objekata (infrastruktura), te potreba za sanacijom postojećih i izgradnjom novih;
- Nedovoljna finansijska sredstva sa viših nivoa vlasti, te od sponzora i donatora, a koja su neophodna za poboljšanje stanja u oblasti sporta.

U cilju prevazilaženja postojećeg stanja u oblasti sporta na području općine Maglaj, neophodno je u narednom periodu:

- Povećati finansijska ulaganja za rekonstrukciju, izgradnju i redovno održavanje sportskih objekata iz Budžeta, ali i iz viših nivoa vlasti, fondova i sl.;
- Sportski klubovi i ostala sportska udruženja trebalo bi da redovno apliciraju projekte prema višim nivoima vlasti, te da na taj način uvedu praksu da finansijska sredstva traže kroz kvalitetno pripremljene projektne prijedloge;
- Sportski klubovi i ostala sportska udruženja trebalo bi da intenziviraju saradnju sa Ministarstvom obrazovanja, nauke, kulture i sporta Ze-do kantona u smjeru poboljšanja stanja u oblasti sporta;
- Obzirom da je pitanje finansiranja sporta stalni problem, neophodno je da Ministarstvo obrazovanja, nauke, kulture i sporta Ze-do kantona predloži donošenje odgovarajućih propisa kako bi se riješilo pitanje stalnih prihoda za sport, te propise kojima bi se stimulisalo sponzorstvo i donatorstvo u oblasti sporta;
- Brigu o stanju, održavanju i upravljanju sportskim objektima potrebno je podići na viši stepen od strane Osnivača, te posebno korisnika sportskih objekata;
- Nastojati zajednički obezbijediti što više izvora sredstava za održavanje, rekonstrukciju i izgradnju sportskih objekata;
- U cilju omasovljenja i razvoja omladinskog sporta, sportski klubovi bi trebalo da pojačaju aktivnosti na organizaciji rada sa mlađim kategorijama uz angažovanje stručnih kadrova u oblasti sporta;
- Intenzivirati saradnju između sportskih klubova i Društva pedagoga s ciljem formiranja i unapređenja rada školskih sportskih sekcija;
- Više rada, inicijativa i aktivnosti preko asocijacija, posebno sportskog saveza.

NAČELNIK OPĆINE
Mirsad Mahmutagić

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY

I N F O R M A C I J A
Informacija o sportu na području općine Maglaj,
sa pokazateljima o sportskim rezultatima,
stanju sporta i sportskih objekata
za 2020.godinu

Obradivač:

oktobar 2020. godine

1. UVOD

Na osnovu Programa rada Općinskog vijeća Maglaj za 2019.godinu pripremljena je Informacija o sportu na području općine Maglaj za 2019.godinu, sa pokazateljima o sportskim rezultatima, stanju sporta i sportskih objekata.

Sport i igra su sastavni dio života ljudi različitih uzrasta i društvenog položaja, a pogotovo djece i mladih.

Sport je aktivnost iznad prosječne umne i tjelesne angažovanosti čije efekte ostvarujemo različitim oblicima tjelesnih vježbi i aktivnostima prema dogovorenim pravilima neke igre i izvedbe - samo je jedna od definicija sporta.

Sport osim očuvanja zdravlja, te stvaranja radnih sposobnosti ima značajnu društvenu ulogu. Ta uloga je usmjerena na odgojno – obrazovne vrijednosti i provjere tih vrijednosti kroz uspjeh sudionika sa stalnom težnjom za napretkom.

2. ORGANIZACIJA I STRUKTURA SPORTA

Zakon o sportu ZE - DO kantona ("Sl.novine ZE - DO kantona", broj: 11/02, 1/04, 9/11, 6/17) određuje da se sportske organizacije mogu osnovati kao udruženja građana, privredna društva i ustanove.

Za osnivanje i način organizovanja sportskih organizacija pored Zakona o sportu važe i odgovarajuće odredbe Zakona o udruženjima i fondacijama, Zakon o privrednim društvima ili Zakona o ustanovama, što zavisi od konkretnog oblika organizovanja.

Organizovanje sportskih takmičenja i sportskih priredbi regulisana su Zakonom o sportu ZE - DO kantona.

Oblast fizičke kulture na području općine Maglaj organizovana je na osnovu zakona iz oblasti obrazovanja, Zakona o udruženjima i fondacijama i Zakona o sportu ZE – DO kantona.

Svi sportski klubovi, koji djeluju na području naše općine organizovani su kao udruženja građana koja se kao pravna lica registruju pri Ministarstvu za pravosuđe i upravu ZE – DO kantona.

Na području općine Maglaj ima registrovanih 12 sportskih klubova , dva sportstka kluba za lica sa invaliditetom i i Društvo pedagoga fizičke kulture.

Prema pokazateljima sa kojima raspolaže Služba za boračko-invalidsku i socijalnu zaštitu, opću upravu i društvene djelatnosti, najveći broj sportskih klubova okuplja veliki broj mladih, dok Društvo pedagoga fizičke kulture Maglaj svoje aktivnostima realizuje kroz organizovanje učeničkih takmičenja u različitim sportskim disciplinama.

U cilju organizacije boljih uslova i daljeg rada omladinskih sportskih selekcija, u Budžetu Općine Maglaj za 2018.godine planirana su sredstva u iznosu od 200.000 KM za podršku i razvoj i sufinansiranje omladinskog sporta.

Planirana sredstva su u skladu sa obavezom Općine koja su propisana Zakonom o izmjenam i dopunama Zakona o sportu Zeničko-dobojskog kantona, po kojima općine u svojim budžetima utvrđuju iznose za sufinansiranje sportskih programa, a realizacija finansiranja tih sportskih aktivnosti zavisi o procentu izvršenja općinskog budžeta.

KRATKI PREGLED O KLUBOVIMA NA PODRUČJU OPĆINE MAGLAJ

Nogometni klub „Natron“ Maglaj

Osnovan je 1926. godine koji danas djeluje sa 25 članova predpionirske selekcije, 22 djece kroz pionirsku selekciju , 21 djete kroz kadetsku selekciju, 20 u juniorskoj selekciji i 31 senior.

Nivo takmičenja u kojem danas djeluju je druga liga – centar BiH.

U svom sastavu nemaju profesionalno uposlenih lica , ali imaju tri licencirana i tri pomoćna trenera i trenutno se nalaze na 10 mjestu za prvenstvo 2017/2018 godine.

Treniraju na gradskom stadionu u srednjim uslovima potrebnim za nesmetano obavljanje svojih predviđenih aktivnosti.

Finansiraju se isključivo od sredstava dobijenih od Općine Maglaj podpomognutih sa sredstvima dobijenih prodajom ulaznica tokom organizacije sportskih događaja kao i od sredstava dobijenih od iznajmljivanja stadiona, koja su ima kako navode nedovoljna za potpuno finansiranje kluba, obzirom da im na godišnjem nivou potrebna sredstva u visini od 70.000 KM.

Kao probleme koji im se pojavljuju u radu navode nedostatak finansijskih sredstava kao i sportskih rekvizita za sve selekcije.

Prijedlog mjera za poboljšanje stanja sporta na teritoriji općine Maglaj navode veće angažovanje općinskih i klubskih struktura.

Nogometni klub „Vis Simm-bau“ Kosova

Osnovan je 1975. godine koji danas djeluje sa 24 seniora, 20 juniora, 22 kadeta i 32 polaznika škole fudbala.

Nivo takmičenja u kojem danas djeluju je : za seniore druga liga F BiH; juniori kroz omladinsku ligu nogometnog saveza ZDK; kadeti kroz omladinsku ligu ZDK; i škola fudbala koja se takmiči kroz turnirska takmičenja.

U svom sastavu nemaju profesionalno uposlenih lica, ali imaju pet trenera i trenutno se kadeti nalaze na 6 mjestu unutar lige u kojoj se takmiče, juniori na 5 mjestu a seniori zauzimaju prvo mjesto unutar lige u kojoj se takmiče za prvenstvo 2017/2018 godine.

Treniraju na nogometnom stadionu Kosova .

Finansiraju se isključivo od sredstava dobijenih od Općine Maglaj podpomognutih sa sredstvima dobijenih od sponzora i sredstava dobijenih od vlade ZDK.vanja stadiona.

Obzirom da im na godišnjem nivou potrebna sredstva u visini od 70.000 KM jedan od najvećih problema u radu kluba navde da je nedostatak finansijskih sredstava.

Obzirom da se od ove godine klub takmiči u drugoj ligi Federacije navode da im je neophodno obezbjediti veća sredstva za funkcionisanje kluba.

Nogometni klub „Novi Šeher“ Novi Šeher

Osnovan je 1975. godine koji danas djeluje sa 25 članova predpionirske selekcije,

22 djece kroz pionirsku, 21 djete kroz kadetsku selekciju, 20 u juniorskoj selekciji i 31 senior.

Nivo takmičenja u kojem danas djeluju je druga liga – centar BiH.

U svom sastavu imaju tri licencirana i tri pomoćna trenera i trenutno se nalaze na 10 mjestu za prvenstvo 2017/2018 godine.

Treniraju na gradskom stadionu u srednjim uslovima potrebnim za nesmetano obavljanje svojih predviđenih aktivnosti.

Finansiraju se isključivo od sredstava dobijenih od Općine Maglaj podpomognutih sa sredstvima dobijenih prodajom ulaznica tokom organizacije sportskih događaja kao i od sredstava dobijenih od iznajmljivanja stadiona, koja su ima kako navode nedovoljna za potpuno finansiranje kluba, obzirom da im na godišnjem nivou potrebna sredstva u visini od 70.000 KM.

Kao probleme koji im se pojavljuju u radu navode nedostatak finansijskih sredstava kao i sportskih rekvizita za sve selekcije.

Prijedlog mjera za poboljšanje stanja sporta na teritoriji općine Maglaj navode veće angažovanje općinskih i klubskih struktura.

Rukometni klub „Maglaj“ Maglaj

Osnovan je 1961. godine koji danas djeluje sa 22 seniora, 18 članova selekcija 2000 ; 20 članova selekcija 2002; 17 članova selekcija 2004; 23 člana selekcija 2006 i 27 članova selekcija 2008.

Nivo takmičenja u kojem danas djeluju kroz seniore je premijer liga BiH dok se omladinske selekcije takmiče kroz omladinske lige ZDK i Tuzlanskog kantona završnice omladinskog prvenstva.

Profesionalno uposlenih nema, ali u klubu su angažovani 7 trenera.

Trenutno se seniori nalaze na 5 mjestu za prvenstvo 2017/2018 godine.

Omladinska selekcija se nalazi na 4 mjestu lige mladih ZDK i Tuzlanskog kantona Treniraju u gradskoj sportskoj dvorani i gradskom stadionu.

Finansiraju se isključivo od sredstava dobijenih od Općine Maglaj podpomognutih sa sredstvima dobijenih sponzorstvom, donatorima, vlastitim marketinškim aktivnostima i članarinom obzirom da im na godišnjem nivou potrebna sredstva u visini od 160.000 KM.

Kao probleme koji im se pojavljuju pored nedostatka finansijskih sredstava navode nedostatak generalnog sponzora, nedostatak stručnih kadrova i prosora za kvalitetnije treniranje.

Prijedlog mjera za poboljšanje stanja sporta na teritoriji općine Maglaj navode pružanje pomoći od strane Općine pri iznalaženju generalnog sponzora za Rukometni klub, veće uključivanje domaćih privrednika sa područja Općine Maglaj, kao i usklađivanje zakonskih normi i donošenje zakona o jasnom finansiranju profesionalnog sporta, amaterskog i omladinskog na nivou cijele BiH.

Takođe navode da je neophodno povećati razvoj svijesti građana o značaju sporta i očuvanje zdravlja kroz bavljenje sportom u raznom obliku., kao i to da se svakodnevno radi na stvaranju uslova za ostvarivanje boljih sportskih rezultata.

Sportsko ribolovno društvo „Bosna“

Osnovan je 1953. godine.

Društvo se pojavljuje na svim značajnijim takmičenjima, kantonalnog i državnog značaja. Do sada je u organizaciji Društva održano nekoliko kantonalnih prvenstava kao i državno, na kojima su zabilježeni izvrsni rezultati.

Informaciju o o radu, funkcionisanju i problematici vezano za ovo udruženje nismo uspjeli dobiti, jer iz razgovora sa predstavnicima udruženj oni nisu zainteresovani da dostave istu iz revolta prema Općinskoj administraciji koja po njihovoj izjavi znemaruje rad ovog udruženja.

Košarkaški klub „Maglaj“

Osnovan je 1959. godine koji danas djeluje sa 23 članova predpionirske selekcije, 12 pionira, 10 djece kadetske selekcije, 28 djevojaka.

Nivo takmičenja u kojem danas djeluju je na novi ZDK i Federacije BiH.

U svom sastavu nemaju profesionalno uposlenih, ali imaju 3 stručna trenera.

Postignuti rezultat im je Final Four ZDK.

Treniraju u sportskoj dvorani i dvorani prve osnovne škole Maglaj..

Finansiraju se isključivo od sredstava dobijenih od Općine Maglaj podpomognutih sa sredstvima dobijenih od sponzora, a na godišnjem nivou potrebna su im sredstva u visini od 25.000 KM.

Kao probleme koji im se pojavljuju u radu navode nedostatak termina za treniranje i rad kluba

Prijedlog mjera za poboljšanje stanja sporta na teritoriji općine Maglaj navode osnivanje Sportskog saveza – društva na teritoriji Općine Maglaj a kao pozitivni segment u svom radu pored okupljanja i radu sa mladima navode i aktivnosti koje Općina Maglaj poduzima za razvoj sporta na teritoriji općine.

Karate klub „EMPI“ Maglaj

Osnovan je 2004. godine koji danas djeluje sa 35 članova pionira (17M i 18Ž), 10 kadeta (7M i 3Ž), 2 juniora (1M i 1Ž) i 3 seniora (3M) .

Nivo takmičenja u kojem danas djeluju je od kantonalnog, državnog, evropskog pa i svjetskog nivoa.

U svom sastavu imaju dva profesionalno uposlena lica i 1 stručnog trenera i trenutno zauzimaju prvo i drugo mjesto kantonalnog prvenstva.

Treniraju u prostoru gradke džamije u kojoj uslovi nisu dobri za ovu vrstu sporta obzirom da je podloga na kojoj treniraju jako tvrda i neprilagođena i uzrastu polaznika i samima aktivnostima koji se provode tokom treniranja.

Finansiraju se isključivo od sredstava dobijenih od Općine Maglaj podpomognutih sa sredstvima od kantona, a navode da im je za nesmetan rad na godišnjem novu potrebno 5.000 KM.

Kao probleme koji im se pojavljuju u radu navode nedostatak finansijskih sredstava kao i sportskih rekvizita za sve selekcije.

Prijedlog mjera za poboljšanje stanja sporta na teritoriji općine Maglaj navode odobrenje većih finansijskih sredstava za rad u odnosu na dosadašnje godine, veće reklamiranje postignutih rezultata i samog kluba, obezbjeđenje bolje i kvalitetnije opreme i stvaranje uslova za organizacijom većeg broja turnira.

Kajak kanu klub

Osnovan je 2008.godine u kojem trenutno ima 2 mlađa kadeta, 6 kadeta, 4 mlađa juniora, 4 juniora i 4 seniora.

Nivo takmičenja u kojem danas djeluju je međunarodne klubske regate, državno prvenstvo BiH.

U svom sastavu nemaju profesionalno uposlenih ali imaju jednog stručnog trenera.

Dva puta su vice prvaci u BiH u ekipnom plasmanu. U pojedinačnim disciplinama su višestruki prvaci BiH.

Treniraju na rijeci Bosni.

Finansiraju se isključivo od sredstava dobijenih od Općine Maglaj podpomognutih sa sredstvima dobijenih od Ministarstva za sport ZDK, a navode da im je na godišnjem nivou potrebno 15.000 KM koja bi im bila neophodna za kupovinu neophodne opreme i organizacije regate.

Kao probleme koji im se pojavljuju u radu navode nedostatak finansijskih sredstava kao i sportskih rekvizita za sve selekcije. Takođe jedan od problema sa

kojim se susreću je svakako i nedostatak postojećeg objekta u kojem bi odlagali i čuvali svoju opremu, a kao prijedlog mjera za poboljšanje uslova rada navode potrebu formiranja Sportskog saveza kao i stipendiranje uspješnih sportista.

Klub borilačkih vještina „Escobar“ Maglaj

Osnovan je 2012 godine koji danas djeluje sa 12 članova uzrasta od 12-16 godina i 15 članova uzrasta od 17 godina i starije a u svom sastavu imaju i muškarce i žene.

Takmiče se kroz kantonalnu ligu u borilačkim vještinama MMA, evropskom nivou u brazilskom Jiu Jitsu, i na državnom nivou i kiks boxu.

Nemaju profesionalno uoslenih ali imaaaju 3 stručna trenera koja rade na volonterkoj bazi.

Do sada su dobili 2 bronzane medalje i osvojili evropsku kup u brazilskom Jiu Jitsu.

Jedina lokacija u kojoj treniraju je poslovni prostor iznajmljen i oji je potpuno neuslovan za ovu vrstu sporta.

Navode da im je na godišnjem novu potrebno oko 5.000 KM kako bi mogli podmiriti osnovne troškove za rad i kvalitetnije funkcionisanje kluba.

Finansiraju se isključivo od ličnih ulaganja i dobrovoljnih priloga koja skupe prilikom odlaska na takmičenje, pa je time kao glavni problem naveden i nedostatak finansijskih sredstava pored boljih uslova za treniranje kao i sama oprema za klub.

Kao prijedlog mijera koji navode za bolje funkcionisanje sporta na teritoriji općine Maglaj je finansiranje i ovog vida sporta kao i povećana saradnja pri organizacijom takmičenja.

Nogometni klub „Moševac“

Osnovano je 2014.godine i u svom sastavu imaju 24 seniora, 39 predpionira i pjetlića i 16 pionira.

Nivo takmičenja u kojem trenutno se takmičenja druga liga F BiH grupa centar za seniore i takmičenje na nivou ZDK za predpionire i pjetliće.

U klubu nema profesionalno uposlenih ali ima 3 stručna trenera od kojih jedan radi sa seniorima jedan vodi selekciju predpionira i jedan vodi pjetliće.

U sezoni 2017/2018 godine osvojili su 4 mjesto , kroz takmičenje u okviru KUP-a za 2018. godinu osvojili su prvo mjesto i plasirali se za dalji novi takmičenja u Federaciji BiH.

Nemaju svoj teren za treniranje nego jedan improvizovani fudbalski teren ali navode da uz zahvalnost općinskog vijeća i općinskog Načelnika omogućeno im je da svoje utakmice igraju na gradskom stadionu.

Za nesmetan rad i funkcionisanje kluba na godišnjem nivou im je potrebno 60.000 KM a uglavnom se finansiraju iz sredstava općine Maglaj, članarine sponzora kluba, prijavom na neke od poziva za dostavu projektnih ideja i sl.

Najveći problem u radu jeste nedostatak vlastitog terena za obavljanje trenažnog procesa odigravanje utakmica, a u narednom periodu njihov težišni zadatak biti će obezbjeđenja zemljišta za stadion NK „Moševac“.

Kao prijedlog mjera navode da s epovede više računa o utrošku finansijskih sredstava za razvoj sporta na teritoriji općine kao i to da se postave sportski radnici da vode sportska udruženja.

Odbojkaški klub Maglaj

Osnovan je 1953 godine i u svom sastavu imaju 30 predpionirki, 26 pionirki, 14 kadetkinj i 12 seniorki. .

Nivo takmičenja u kojem trenutno djeluju je super liga F BiH

Imaju 5 stručnih trenera i svi rade na volonterkoj bazi.

Rezultate koje su do sada postigli ogledaju se u plasmanu u super ligi F BiH, pionirke 3 mjesto na nivou BiH, kadetkinje 1 mjesto na nivou F BiH i 4 mjesto na nivou BiH.

Treniraju u gradskoj sportskoj dvorani i dvorani prve osnovne škole Maglaj gdje navode da imaju dobre uslove ali su mali kapaciteti.

Navode da im je za nesmetano funkcionisanje kluba za sezonu neophodno cca 35.000 KM a kao osnovni izvor finansiranja navode Općinu Maglaj, sponzore i donatore te vlastitim učešćem.

Kao problem u radu navode nedostatak potrebnih termina za rad i nedostatak prostora.

Za prijedlog mjera navode da se poboljšaju uslovi za obezbjeđenje termina treniranja, boljih uslova za rad u smislu obezbjeđenje još jedne dvorane na gradskom području.

Omladinski fudbalski klub „SportinoMa“

Omladinski fudbalski klub je osnovan 2015.godine sa ciljem da okupi najmlađe sugrađane i dječake i djevojčice u cilju većeg angažovanja za bavljenje sportom i stvaranjem navika za zdrav život.

Trenutno u svom sastavu imaju 20 pionira, 30 predpionira, sekcija Ravna od 20 polaznika, i mala škola fudbala sa 40 polaznika.

Takmiče se u kvalitetnoj ligi pionira i predpionira ZDK.

Klub vodi 5 trenera , od kojih 2 imaju UEFA „B“ licencu, 1 profesor sporta i 2 trenera i trener golman.

Do sada su osvojili 2 i 3 mjesta na turniru u Minhenu, osvojena „RESPECT“ liga i mnogobrojni ostali turniru.

Tokom zimskog perioda treniraju u gradskoj dvorani , u dvorani prve osnovne škole i po potrebi u teretani gradske džamije, a za vrijeme ljetnog perioda treniraju na gradskom stadionu.

Za nesmetano funkcionisanje kluba na godišnjem nivou potrebno im je 10.000 KM a finansiraju se većinom od članarine i sredstava dobijenih od strane Općine Maglaj. Kao problematiku navode nedostatak adekvatnog trenera, malog broja termina u zimskim uslovima u dvoranama i veća pomoć nadležnih institucija.

Prijedlog mijera koje predlažu u cilju poboljšanja uslova razvoja sporta na teritoriji općine odnose se na dolazak školovanih stručnih kadrova na adekvatne pozicije te kontrole brojnosti omladinskih selekcija.

Takođe bi trebalo povesti računa na vrednovanju postignutih rezultata i uspjeha klubova i ppojedinaца u sportu i poboljšanje uslova rada svih sportskih klubova.

Na općini Maglaj funkcionišu i invalidski sport koji u svom sastavu najvećim dijelom organizuju invalina lica koja se afirmišu kroz sljedeće sportske klubove :

Streljački klub osoba sa invaliditetom Maglaj

Osnovan je 2012.godine i okuplja 11 osoba sa invaliditetom, 19 članova školske omladine i 22 veterana.

Svoje aktivnosti iskazuju kroz takmičenja na državnim prvenstvima, Federalnoj Premijer ligi osoba sa invaliditetom te Federalnoj ligi za kadete, juniore i seniore.

Profesionalno uposlenih lica nemaju, dok dva lica rade kao stalni stručni treneri.

Dosadašnji postignuti rezultati su im ; IV mjesto Federalne Premijer lige osoba sa invaliditetom, III mjesto međuopćinske lige za školsku omladinu u 2017. godini.

Koriste prostorije bivšeg štaba TO gdje su osposobili i prilagodili prostor za treniranje i organizovanje takmičenja.

Ukupan iznos finansijskih sredstava koji im je neophodan za nesmetano

funkcionisanje i rad kluba na godišnjem nivou iznosi 15.000 KM , a do sada se uglavnom finansiraju iz Budžeta općine Maglaj, Ministarstva za boračka pitanja ZDK i Ministarstva za obrazovanje, nauku , kulturu i sport ZDK.

Jedan od većih problem koji navode u svom radu je zagrijavanje prostorija kluba u zimskom periodu a kao prijedlog mjera za bolji i kvalitetniji i rad i rezultate navode Formiranje Sportskog saveza Općine Maglaj.

Invalidski Odbojkaški klub „autoservis Huso“ Maglaj

Osnovan je 1995.godine sa ciljem da okupi invalide rata i civilne invalide kako bi se kroz bavljenje sportom družili i razvijali svoje psiho-fizičke sposobnosti.

Imaju ukupno 15 članova za sada a nemaju profesionalno uposlenih niti stalnih stručnih lica koji sa njima rade.

Najbolji do sada postignuti rezultati su im IV mjesto u premijer ligi sezona 2003/2004 te osvojen veći broj turnira u zemlji i inostranstvu.

Treninge i takmičenja uglavnom provode u sportskoj dvorani.

Ukupan iznos finansijskih sredstava koji im je potreban na godišnjem nivou za rad je 16.000 KM a do sada se uglavnom finansiraju iz sredstava Budžeta Općine Maglaj, Ministarstva za boračka pitanja ZDK i Ministarstva za obrazovanje, nauku , kulturu i sport ZDK.

Kao problematiku navode manjak lica sa invaliditetom koji su zainteresovani za afirmaciju u klubu a navode da su zadovoljni sa tretmanom kojeg kao klub imaju od strane općine Maglaj.

Savez za sport i rekreaciju invalidnih lica Maglaj

Osnovan je 1997. godine organizovanih kroz 8 sekcija sa 42 članom.

Takmiče se na svim nivoima od općinskog do državnog sa zavidnim postignutim rezultatima u stonom tenisu, ribolovu, kuglanju, pikado i streljaštvu.

Sve svoje aktivnosti provode u prostorijama bivšeg štaba TO gdje se nalazi i streljana, te na lokaciji „Ribarska staza“ , Kuglana u Zavidovićima.

Nemaju profesionalno uposlenih a 3 lica su im angažovana kao stalni stručni treneri.

8.000 KM je im je potrebno na godišnjem nivou za nesmetan rad i funkcionisanje a uglavnom se finansiraju iz Budžeta općine Maglaj kao i Kantonalnog saveza za sport i rekreaciju invalidnih lica i manim dijelom iz članarine.

Probleme koje navode da im najveći dio sredstava potreban za održavanje protora i lokacija gdje se trenira i održava takmičenje kao i obezbjeđenje rekvizita za invalide koji su neophodni za kvalitetniji i rad i takmičenje.

Kao prijedlog mjera za poboljšanje uslova rada i funkcionisanja navode formiranje jedne organizacije koja će obezbjeđivati sredstva za održavanje sportkih objekata i terena kada su u pitanju mali sportovi.

Na teritoriji općine Maglaj funkcioniše i Društvo pedagoga fizičke kulture Maglaj koje je osnovano 2002. godine

Društvo okuplja sve učenike osnovnih i srednjih škola koji se žele uključiti u sportske sekcije po programu MOI (male olimpijske igre) kao što su: rukomet, odbojka, košarka, nogomet, atletika, st. tenis a posebno se vodi računa o djeci koja nisu u mogućnosti da treniraju neki od navedenih sportova iz više razloga, nemogućnost dolaska u grad (učenici sa periferije grada...) a imaju volju i talenat.

Školska takmičenja se organizuju na svim nivoima: skola-općina (naše udruženje)-kantonalno (kantonalno udruženje prof TiZO-a)-federalno,(takodjer fed. Udruženje) i državno takmičenje koje je pod pokroviteljstvom Sportskog

saveza BiH.

Svi profesori TiZO-a sa područja općine Maglaj su angažovani u društvu Postignuti rezultati u školskoj 2017/18. godini prvaci kantona u rukometu, osnovne i srednje škole, prvaci kantona i federacije OŠ odbojka-djevojčice Predhodne dvije godine prvaci države u kategoriji djevojaka za SŠ. Lokacije i uslovi gdje se trenira su Sportske sale i kabineti za izvodjenje nastave TiZO-a.

Visina finansijskih sredstava potrebnih za rad na godišnjem nivou iznosi 3.500,00 KM, a do sada izvori sredstava za finansiranje su im bili :

1/3 Ministarstvo za nauku kulturu i sport Ze-Do (preko kant. udruženja) ca. 1200,00 KM

2/3 Općina ca. 2300,00 KM

Kao problematiku u radu navode :

1. Nedovoljan broj sportskih objekata na području naše općine
2. Nesprovođenje zakona o sportu („službene novine Ze-Do kantona od 12.5.2017. pročišćeni tekst ZAKON O SPORTU, gdje se jasno definiše uloga školskoog sporta, vrijednos školskog sporta, način finansiranja.....
3. Nedovoljna saradnja lokalne zajednice sa strukom u oblasti sporta (smatramo da je DPFK Maglaj u oblasti sporta najrelevantnija adresa da se daju savjeti, mišljenje i preporuke u sveri sporta jer za to smo obučeni skolovani i na kraju krajeva smo mi ti koji prvi počinjemo da radimo sa našim sportistima tj. ddjcom koja se kasnije selektiraju po sportskim klubovima)
4. Nepostojanje Sportskog saveza. Jedina smo općina koja nema Sportski savez
5. Nedovoljno izdvajanje sredstava iz budžeta općine,
6. Nedovoljna ulaganjea u sportske poligone i igrališta na cjelom prostoru općine.

Prijedlog mjera za poboljšanje stanja sporta na teritoriji općine Maglaj :

1. Maksimalno uključiti sve strukture vlasti kako bi se izgradila sportska dvorana u sklopu srednjoškolskog centra i rješio problem nastave TiZO-a i samim time poboljšali uslovi rada svim dvoranskim sportovima a nezaboravljajući rekreaciju koja je također zakonski uvrštena u gore navedeni ZAKON O SPORTU.
 2. Uključiti struku u rad općine po pitanju sporta, sprovođiti zakone o sportu.
 3. Nadzor sportskih udruženja, praćenje i vrednovanje
 4. Osnivanje Sportskog saveza na nivou općine
 5. Povećati procentualno izdvajanje sredstava iz budžeta, vratiti prijeratni procenat,
 6. Donijeti zakon/pravilnik regulacionim planom opine o izgradnji, da svaki novoizgrađeni objekat/zgrada mora imati dječije igralište/poligon
- Napomenuli su da je vrijednost/uloga sporta, bavljenjem sportom, poruke koje sport može prenijeti, promociju koju može sport uraditi, su samo dio onoga sta nam sport u globali nudi. Netreba navoditi naše uspješne sportiste po cijelom svijetu koji promovišu našu općinu i državu, sport, bavljenje sportom treba biti dostupno svim građanima, prije svega zbog samog zdravlja i načina modernog života. Svako ulaganje u sport se sigurno višestruko vraća.

3. SPORTSKA REKREACIJA

Rekreacija je segment fizičke kulture veoma važan u životu mladih i odraslih stanovnika. Rekreativno vježbanje stvara pozitivne navike rada i obaveza kod djece, razvija kordinaciju pokreta, jača organizam, preventivno utječe na otpornost od bolesti, utiče na brže ozdravljenje

ili dovođenje u funkciju organizam nakon povreda psihičkih rasterećenje organizma, stvara zadovoljstvo i dr.

Ljubitelji rekreacije se sami organizuju, odlaze na kraće pješačke ture i izlete, bave se sportskim igrama, voze bicikl i sl. ali bez stručnog nadzora.

U narednom periodu treba sačiniti pregled individualnog i grupnog vježbanja, pa nakon toga donijeti ocijenu o potrebi institucije sportske rekreacije koja će se baviti organizovanim radom na tom planu.

Napomenuli bih da na općini Maglaj više od mjesec dana funkcioniše i Sportsko rekreativni klub **Paint ball club Maglaj**.

Za sada se isključivo bave rekreativnim aktivnostima zaljubljenika u ovu vrtu aktivnosti a u narednom periodu planiraju omasoviti ovaj klub kroz određene sportske discipline uz rekreativne aktivnosti za sve zainteresovane.

Paintball je igra i sport u kojem se natječu igrači u timove ili pojedinačno. Cilj igre je eliminisati protivnike tako da ih pogodite kuglicama koje sadrže u sebi boju iz posebnog pištolja zvan Paintball Marker.

Povijest paintballa počinje tridesetak godina unazad. Postoji nekoliko verzija priča o tome kako je nastao ovaj sport. Jedna od njih kaže da su američki šumari koristeći puške koje ispaljuju kuglice crvene boje na bazi voska, za obilježavanje drveća koje treba srušiti, počeli gađati jedni druge i tako izmislili ovu igru. Jedino što se pouzdano zna, paintball je nastao u Americi.

Danas je jedan od najpopularnijih i najuzbudljivijih ekstremnih sportova koji se igra u preko 110 zemalja širom svijeta I postao je jedan od najzanimljivijih ekstremnih sportova koji se igra u prirodnom okruženju a procjenjuje se da se paintball aktivno bave preko 15 miliona ljudi. . Igraju ga milijuni muškaraca i žena svih životnih dobi i stilova. Igranje ove igre oslobodila od svakodnevnih briga i stresa, te je ujedno i dobra rekreacija.

Pored ovog kluba tu je i **Planinarsko – skijaško društvo “Smajlovac”** koji u svom sastavu ima veliki broj članova među kojima su veliki broj mladih. Sve se svodi na rekreativne aktivnosti kroz koje nastoje obučiti i osposobiti sve svoje članove ali i sve ostale koje imaju zanimaciju za planinarenjem Osnovni cilj društva je i dalje promocija planinarskog sporta među mladima

Cilj Društva je poticanje, razvijanje i unapređivanje planinarske rekreacije i planinarskih aktivnosti radi zadovoljavanja potreba za očuvanjem, održavanjem, poboljšanjem psihofizičkih sposobnosti, zdravlja članova, korištenjem slobodnog vremena tjelesnim vježbanjem i planinarskim aktivnostima.

Ostvarivanje ciljeva ostvaruje sljedećim djelatnostima u skladu sa svojim mogućnostima:

- okupljanje djece, mladih i drugih osoba koje se žele baviti planinarskom rekreacijom ;
- sudjelovanje u rekreativnim takmičenjima ;
- saradnja s drugim sportskim i rekreacijskim udruženjima koje podržavaju ciljeve Društva;
- provođenje rekreacije i aktivnosti članova u planinarskom sportu;
- poticanje stručnog usavršavanja članova, trenera i drugih osoba od značaja za djelovanje Društva;
- poticanje mladih da se bave planinarstvom;
- upravljanje i održavanje sportskih terena planinarenja;
- razvija organizirane oblike i stvara uslove za razvoj ukupnog planinarstva;
- pokreće i organizira djelatnosti na zaštiti i unapređenju planinske prirode i čovjekove okoline;
- organizuje izlete, pohode, ture, susrete, sletove, ekspedicije, logorovanja, planinarska natjecanja i druge planinarske društvene akcije;

- organizira aktivnosti izgradnju, obilježavanje, čuvanje i održavanje planinarskih staza, puteva i transverzala i veznih puteva u skladu;
- jača materijalnu osnovu i imovinu planinarstva te potiče i brine o gradnji, održavanju i čuvanju planinarskih objekata (domova, kuća, skloništa);
- propagira planinarstvo kod mladih i građana te organizuje i provodi odgojno-obrazovni i kulturni rad među planinarima;
- njeguje planinarsku etiku, razvija čovjekoljublje, nesebičnost, ispravan odnos prema prirodi i smisao za njeno očuvanje;
- stvara uslove za razvoj zdravog, snažnog i plemenitog članstva;
- potiče osposobljavanje svoga članstva za pojačane napore pri otklanjanju posljedica elementarnih nepogoda, nesreća, ratnih opasnosti i drugih sličnih stanja;
- obavljanje i drugih aktivnosti koje doprinose ostvarivanju ciljeva osnivanja utvrđenih Statutom u skladu sa zakonom.

4. ŠKOLSKI I STUDENTSKI SPORT

Pored programskih sadržaja tjelesnog i zdravstvenog odgoja u školama se putem sekcija izvode školska i međuškolska takmičenja u raznim sportskim disciplinama, a nosilac ovih programa je Društvo pedagoga fizičke kulture.

U izvještajnom periodu u osnovnim i srednjim školama održana su školska takmičenja u malom nogometu, košarci, rukometu, odbojci, stoni tenisu i atletici. Učesnici ovih takmičenja bili su učenici osnovnih i srednjih škola.

5. STANJE SPORTSKIH OBJEKATA

Jedan od temeljnih uslova za odvijanje sportskih aktivnosti jeste prostor. Prostor za sportske aktivnosti dijeli se na prirodne i izgrađene.

U prirodne spadaju suhe površine, vodene površine i snježne površine, dok se izgrađeni sportski objekti mogu podijeliti na zatvorene, otvorene i specijalne sportske objekte.

Općina raspolaže i sa prirodnim prostorima za razvoj rekreativnih aktivnosti a jedna od njih je svakako staza u ulici Srebreničkih žrtava rata kao i ostali prirodni prostori koji se mogu iskoristiti kako za trening sportskih klubova tako i za rekreativce.

Na teritoriji općine Maglaj od sportskih objekata raspoloživi su : Sportska dvorana koja se nalazi u sastavu Doma kulture i Sportska dvorana u prvoj osnovnoj školi koje se koriste u vrijeme zimskog perioda za održavanje nastave tjelesnog odgoja kao i za treninge sportskih klubova čije su sportske discipline prilagođene treninzima u dvorani.

Od vanjskih terena su Gradski stadion koji je dat na korištenje NK „Natron“ Maglaj i kojeg koriste i ostali sportski klubovi čija su sportske discipline prilagođene treniranju na otvorenom. Takođe ovaj teren koriste i veći broj rekreativaca.

Nogometni stadion u Kosovi i Novom Šeheru koji koriste NK Vis Simm-bau i NK Novi Šeher uz dogovor koriste i ostali sportski klubovi i rekreativci čije su sportske discipline prilagođene treningu na otvorenom.

Tu je i tzv „Ribarska staza“ koja se uz pomoć SRD „Bosna“ održava i uređuje koristi i za rekreativce.

Svi sportski tereni koji se koriste su skromnim dijelom prilagođeni svojoj namjeni uz stalno prisutnu problematiku nedostatka sportskih rekvizita, problem održavanja i saniranja nastalih

šeta štose svakako uz pomoć sportskih klubova i rekreativaca kao i angažovanja nadležnih općinskih i kantonalnih institucija može dobrom organizacijom u narednim periodima postepeno rješavati.

6. FINANSIRANJE SPORTA

Izvori finansiranja takmičarskog sporta su: Budžet ZE-DO kantona, Budžet Općine, sponzorstva, donacije, marketing, pomoć roditelja sportista, članarina.

Zakona o sportu ZE - DO kantona definisano je ostvarivanje javnog interesa u sportu, a Kanton i Općina u svojim budžetima utvrđuju finansijska sredstva.

Izdaci za finansiranje sporta u 2020. godini iz vanbudžetskih sredstava su u iznosu od 1405.000,00 KM a za invalidski sport 10.000 KM..

ZAKLJUČAK :

Na osnovu naprijed izloženog, može se konstatovati da su najizraženiji problemi sa kojima se susreću sportski klubovi i ostala sportska udruženja sa područja općine Maglaj, slijedeći:

- Nedostatak stručnih kadrova u oblasti sporta;
- Prihodi koje ostvaruju sportski klubovi, prihodi od članarine, ulaznica, marketinga, sponzorstva su nedovoljni za funkcionisanje klubova što pojačava tendenciju oslanjanja na sredstva iz budžeta Općine i Kantona;
- Loše stanje u kojem se nalazi većina sportskih objekata (infrastruktura), te potreba za sanacijom postojećih i izgradnjom novih;
- Nedovoljna finansijska sredstva sa viših nivoa vlasti, te od sponzora i donatora, a koja su neophodna za poboljšanje stanja u oblasti sporta.

U cilju prevazilaženja postojećeg stanja u oblasti sporta na području općine Maglaj, neophodno je u narednom periodu:

- Povećati finansijska ulaganja za rekonstrukciju, izgradnju i redovno održavanje sportskih objekata iz Budžeta, ali i iz viših nivoa vlasti, fondova i sl.;
- Sportski klubovi i ostala sportska udruženja trebalo bi da redovno apliciraju projekte prema višim nivoima vlasti, te da na taj način uvedu praksu da finansijska sredstva traže kroz kvalitetno pripremljene projektne prijedloge;
- Sportski klubovi i ostala sportska udruženja trebalo bi da intenziviraju saradnju sa Ministarstvom obrazovanja, nauke, kulture i sporta Ze-do kantona u smjeru poboljšanja stanja u oblasti sporta;
- Obzirom da je pitanje finansiranja sporta stalni problem, neophodno je da Ministarstvo obrazovanja, nauke, kulture i sporta Ze-do kantona predloži donošenje odgovarajućih propisa kako bi se riješilo pitanje stalnih prihoda za sport, te propise kojima bi se stimulisalo sponzorstvo i donatorstvo u oblasti sporta;
- Brigu o stanju, održavanju i upravljanju sportskim objektima potrebno je podići na viši stepen od strane Osnivača, te posebno korisnika sportskih objekata;
- Nastojati zajednički obezbijediti što više izvora sredstava za održavanje, rekonstrukciju i izgradnju sportskih objekata;
- U cilju omasovljenja i razvoja omladinskog sporta, sportski klubovi bi trebalo da pojačaju aktivnosti na organizaciji rada sa mlađim kategorijama uz angažovanje stručnih kadrova u oblasti sporta;

- Intenzivirati saradnju između sportskih klubova i Društva pedagoga s ciljem formiranja i unapređenja rada školskih sportskih sekcija;
- Više rada, inicijativa i aktivnosti preko asocijacija, posebno sportskog saveza.



NAČELNIK OPĆINE
Mirsad Mahmutagić